

Vol. IV

Numerus specialis

1967

---

# MUSICAE SACRAE MINISTERIUM

ROMA - PIAZZA S. AGOSTINO, 20/A

# MUSICAE SACRAE MINISTERIUM

## CONSOCIATIO INTERNATIONALIS MUSICAE SACRAE

ROMA - PIAZZA S. AGOSTINO, 20/A

---

Vol. IV

Numerus specialis

1967

---

### INSTRUCTIO DE MUSICA IN SACRA LITURGIA\*

#### PROOEMIUM

1. Musicam sacram, in iis quae ad liturgicam instaurationem spectant, Sacrosanctum Oecumenicum Concilium Vaticanum secundum attente consideravit, eiusque munus in divinis officiis illustravit, plura principia pluresque leges hac de re in Constitutione de sacra Liturgia edicens, eique tribuens integrum caput eiusdem Constitutionis.

2. Quae autem Sacrosanctum Concilium statuit, in instauratione liturgica nuper incoata ad usum adduci iam coepta sunt. Sed e novis normis ad sacrorum rituum ordinationem et fidelium actuosam participationem pertinentibus, quaestiones aliquae de musica sacra eiusque ministeriali munere ortae sunt, quae solvendae videntur ad nonnulla principia Constitutionis de sacra Liturgia hac in re melius declaranda.

3. Consilium, proinde, ad exsequendam Constitutionem de sacra Liturgia constitutum, de mandato Summi Pontificis, has quaestiones accurate perpendit atque praesentem Instructionem confecit, quae non universam quidem legislationem de musica sacra colligit, sed praecipuas tantum normas statuit, quae magis necessariae hac aetate videntur; quaeque veluti continuatio et complementum efficitur prioris Instructionis huius Sacrae Congregationis, ab eodem « Consilio » praeparatae, et ad executionem spectat Constitutionis de sacra Liturgia recte ordinandam, die 26 septembris 1964 evulgatae.

4. Sperare licet fore ut, has normas libenti animo accipientes et in usum adducentes, animorum pastores, musici artifices, fidelesque concordiam animo contendant ad verum finem musicae sacrae attingendum, « qui gloria Dei est atque sanctificatio fidelium »<sup>1</sup>.

\* *Nota Redactionis M. S. M.*: Versiones huius Instructionis cum commentario publicabimus in sequentibus numeris M. S. M. Textum latinum desumpsimus ex editione S. R. C.

<sup>1</sup> Conc. Vat. II, Const. de Sacra Liturgia, *Sacrosanctum Concilium*, n. 112: A. A. S. 56 (1964) p. 128.

Valde autem commendatur ut, ubi utilius visum fuerit, plures dioeceses unicam constituent Commissionem, quae aequalem agendi rationem in una eademque regione efficiat et vires fructuosius in unum colligat.

69. Commissio de sacra Liturgia, quae apud coetus Episcoporum constituenda pro opportunitate consulitur,<sup>46</sup> etiam de musica sacra curet; ac proinde etiam ex personis musica sacra peritis constet. Expediit vero ut huiusmodi Commissio non solum cum Commissionibus dioecesanis, sed etiam cum aliis sodalitatibus quae de re musica in eadem regione curant, consilia conferat. Hoc autem etiam de Instituto pastoralis liturgico dicendum est, de quo in eodem art. 44 Constitutionis est sermo.

Praesentem Instructionem Summus Pontifex Paulus Pp. VI, in Audientia E.mo Arcadio M. Card. Larraona, huius Sacrae Congregationis Praefecto, die 9 februarii 1967 concessa, approbavit et auctoritate Sua confirmavit, et publici iuris fieri iussit, pariter statuens ut a die 14 maii 1967, dominica Pentecostes, vigere incipiat.

Contrariis quibuslibet minime obstantibus.

Romae, die 5 martii 1967, Dominica « Laetare », IV in Quadragesima.

IACOBUS Card. LERCARO

*Archiepiscopus Bononiensis  
Praeses Consilii ad exsequendam  
Constitutionem de sacra Liturgia*

ARCADIUS M. Card. LARRAONA

*S. R. C. Praefectus*

✠ Ferdinandus Antonelli

*Archiep. tit. Idicensis  
S. R. C. a Secretis*

<sup>46</sup> Cfr. Conc. Vat. II, Const. de Sacra Liturgia, *Sacrosanctum Concilium*, n. 44: A. A. S. 56 (1964) p. 112.